

Na osnovu člana 64. stav (1). tačka b), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj:02-05-299/16 od 06.04.2016. godine u otvorenom postupku javne nabavke za adaptaciju-pretvaranje Doma kulture u mjesnu ambulantu u MZ Dobošnica Gornja -LOT 2 Općinski načelnik d o n o s i

## **O D L U K U** **o izboru najpovoljnijeg ponuđača- LOT 2**

### **Član 1.**

Prihvata se preporuka Komisije za provođenje postupka javne nabavke broj: 02-05-299/16 od 06.04.2016. godine i Ugovor za javnu nabavku radova za adaptaciju –pretvaranje Doma kulture u mjesnu ambulantu u MZ Dobošnica Gornja – LOT 2 dodjeljuje se ponuđaču „NEDJING“ d.o.o. Tešanj, ponuda broj: TE-07-7/16 od 15.03.2016. godine, za ponuđenu cijenu u vrijednosti od 13.451,96 KM bez PDV-a, kao najpovoljnijem ponuđaču.

### **Član 2.**

Izabrani ponuđač je dužan da u roku od 5 (pet) dana od dana dostavljanja ove Odluke dostavi originale ili ovjerene kopije dokumentacije iz člana 45.stav (2) tačka od a) do d) Zakona o javnim nabavkama BiH, navedene u tački 12. od a) do d) i originale ili ovjerene dokumenata traženih tačkom 13.3.4. tenderske dokumentacije.

Dokumentaciju traženu tačkom 13.2.2. a) tenderske dokumentacije ponuđač je dostavic u sastavu ponude, te se oslobađa naknade dostave dokumenta za navedenu.

Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan i nepotpun način, ugovor za javnu nabavku dodijeliće se drugorangiranom ponuđaču u skladu sa članom 72. stav (3) Zakona o javnim nabavkama.

### **Član 3.**

Prijedlog ugovora o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana kada su svi ponuđači obavješteni o izboru najpovoljnije ponude.

### **Član 4.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.

### **Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

## **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 02-02-1-298/16 od 19.02.2016. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 11.754,66 KM.

Obavještenje o nabavci broj: 719-1-3-16-3-12/16 objavljeno je na Portalu javnih nabavki dana 22.02.2016. godine.

Komisija za provođenje postupka nabavke imenovana Rješenjem broj: 02-05-348/16 od 02.03.2016.godine dostavila je ugovornom organu-općinskom načelniku Zapisnik o pregledu i ocjeni ponuda broj:02-05-299/16 od 06.04.2016. godine, Preporuku o izboru najpovoljnijeg ponuđača broj:02-05-299/16 od 06.04.2016. godine i Izvještaj o radu broj:02-05-299/16 od 06.04.2016. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljene šest ponuda;
- da je blagovremeno primljene šest ponuda;
- da nije bilo neblagovremeno primljenih ponuda;
- da su ponude ponuđača NEDJING d.o.o. Tešanj, DŽENA d.o.o. Gradačac, TRANSPORT I MEHANIZACIJA d.o.o. Gračanica i DŽENEX d.o.o. Tuzla kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način;
- da se ponuda ponuđača „GROMEKS“ d.o.o. Srebrenik odbija na osnovu člana 68. stav (4) tačka j) Zakona o javnim nabavkama („Službeni glasnik BiH“ broj:39/14). Isti je u Obrascu za cijenu ponude pod rednim brojem 6.Bojenje zidova i plafona disperzivnom bojom u dva sloja sa potrebnim predradnjama(struganje, gletovanje) na strani 3. ponude korektorom izvršio ispravku iznosa upisane cijene u koloni „Jedinična cijena u KM bez PDV-a“. Navedeni ispravljeni podatak nije potvrđen potpisom ponuđača i nije unešen datum izvršene ispravke, što je protivno članu 18. stav 1. tačka m) Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15) i tački 14. stav 10. tenderske dokumentacije.
- da se ponuda ponuđača „ĆOSIĆPROMEX“ d.o.o. Žabljak odbija na osnovu člana 68. stav (4) tačka j) Zakona o javnim nabavkama („Službeni glasnik BiH“ broj:39/14). Isti je u Obrascu za cijenu ponude pod „Ukupna cijena sa popustom bez PDV-a“ na strani 6.ponude korektorom izvršio ispravku iznosa upisane cijene u koloni“Ukupan iznos u KM bez PDV-a“. Navedeni ispravljeni podatak nije potvrđen potpisom ponuđača i nije unešen datum izvršene ispravke, što je protivno članu 18. stav 1. tačka m) Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15) i tački 14. stav 10. tenderske dokumentacije.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 11.754,66 KM i da je kriterij za dodijelu ugovora najniža cijena.

Ponuđač „NEDJING“ d.o.o. Tešanj dostavio je prihvatljivu ponudu sa cijenom u iznosu od 13.451,96 KM bez PDV-a, koja je za 1.697,30 KM bez PDV-a veća od procijenjene vrijednosti za ovu nabavku Odlukom broj 02-02-1-531/16 od 04.04.2016. godine obezbijedena su dodatna sredstva za LOT 2 u iznosu od 1.697,30 bez PDV-a odnosno 1.985,84 KM sa PDV-om.

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.



**OPĆINSKI NAČELNIK**  
Dževad Mujkić, dipl. prav

#### **Dostaviti:**

1. NEDJING d.o.o.Tešanj
2. GROMEKS d.o.o. Srebrenik
3. DŽENA d.o.o.Gradačac
4. TRANSPORT I MEHANIZACIJA d.o.o. Gračanica
5. ĆOSIĆPROMEX d.o.o. Žabljak
6. DŽENEX d.o.o. Tuzla
7. Evidenciji i
8. Arhivi.-